

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje,
nauku i mlade



Босна и Херцеговина
Федерација Босне и Херцеговине
КАНТОН САРАЈЕВО
Министарство за образовање,
науку и младе

1609
13/19

Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/03-05-18645-14/19
Sarajevo, 29.05. 2019. godine

SKUPŠTINA KANTONA SARAJEVO
n/r Elmedin Konaković, predsjedavajući Skupštine
-OVDJE-

PREDMET: Odgovor na zastupničko pitanje broj: 01-05-18645-14/19 od 14.05.2019. godine, dostavlja se

PITANJE:

Zastupnik Mirza Čelik je na Osmoj radnoj sjednici Skupštine Kantona Sarajevo, održanoj dana 14. 05. 2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo postavio je sljedeće zastupničko pitanje:

„Po kojem osnovu ministrica Bogunić vrši diskriminaciju prema djeci sa teškoćama u razvoju, te u pojedinim školama plaća asistente u nastavi, a npr. u školi u kojoj imamo učenike sa teškim teškoćama (Mehmedalija Mak Dizdar) i pored upućenih zahtjeva nije dozvolila da se nagažuje asistent u nastavi. Napominjemo da je očit primjer diskriminacije učenika s teškoćama. Pitanje je „prema kojoj stručnoj procjeni“ je ministrica odlučila da je učeniku u jednoj školi neophodan asistent, a u drugoj nije“.

ODGOVOR:

Zahvaljujemo se na postavljenom pitanju. Koristimo se prilikom da iskažemo zabrinutost što ste Vašim javnim istupom, koji nije zasnovan na činjenicama, doveli roditelje djece s teškoćama i kompletnu javnost u zabludu. Također, mišljenja smo da se na ovaj način šalje vrlo ružna poruka roditeljima djece s teškoćama, urušava sistem vrijednosti, te razvija osjećaj nepovjerenja prema institucijama sistema i vladavini prava. Ministarstvo za obrazovanje, nauku i mlade Kantona Sarajevo je mišljenja da prilikom javnih istupa, posebno kada su u pitanju djeca sa teškoćama i njihovi roditelji, koji su zbog njihovog stanja dodatno izloženi pritisku, javno istupanje koje se na njih odnosi u sebi mora sadržavati objektivnost-stvarne, provjerene činjenice, empatiju i iskazanu namjeru i brigu za njihovu dobrobit.

S obzirom da je Bosna i Hercegovina ratificirala Konvenciju o pravima djeteta, a preuzela ju je notifikacijom o sukcesiji 23.11.1993. godine, navedena Konvencija je pravno obavezujući instrument za Bosnu i Hercegovinu. Prihvatanje Konvencije podrazumijeva da domaći pravni okvir mora da sadrži niz zakona i drugih propisa koji se specifično odnose na zaštitu djece, tačnije institucije i tijela kojima su povjerene funkcije te zaštite.

Cijenimo važnim navesti član 3. stav (1) Konvencije, kojim se propisuje da u svim akcijama u vezi sa djecom, bez obzira da li ih poduzimaju javne ili privatne, društveno dobrotvorne institucije, sudovi, upravne vlasti ili zakonska tijela, **najbolji interes djeteta biće od prvenstvenog značaja.**

U skladu sa Konvencijom o pravima djeteta, zakonima i podzakonskim aktima, a koji se odnose na odgoj i obrazovanje u Kantonu Sarajevo, u svakom pojedinačnom slučaju cijeni se najbolji interes djeteta. S tim u vezi, kao dodatni izvor informacija iz navedene oblasti predlažemo „Smjernice za procjenu i utvrđivanje najboljeg interesa djeteta“- vodič za profesionalce, izdavač Ministarstvo za ljudska prava i izbjeglice Bosne i Hercegovine, juni 2018. godine.

Informacija u vezi JU OŠ „Prva osnovna škola“

Ministarstvo za obrazovanje, nauku i mlade Kantona Sarajevo se uključuje u rješavanje problema, po zaprimljenom dopisu roditelja učenika II razreda, zbog kako je navedeno nasilja od strane jednog učenika nad svim ostalim učenicima u odjeljenju.

Tim povodom Ministarstvo je od škole tražilo očitovanje i hitno rješavanje problema. Pedagog i direktor škole su u skladu sa članom 63. Zakona o osnovnom odgoju i obrazovanju u Kantonu Sarajevo („Službene novine Kantona Sarajevo“ broj: 23/17 i 33/17) postupili u skladu sa Smjernicama o postupanju u slučaju nasilja nad i među djecom u Bosni i Hercegovini. Primjena Smjernica podrazumijeva da u svim situacija kada se sumnja da je narušeno pravo djeteta ili da je dijete žrtva nasilja odmah moraju uključiti nadležni Centar za socijalni rad, Centar za mentalno zdravlje, Porodično savjetovište, nadležna policijska uprava - Rad policije u zajednici, roditelji učenika. Stoga nakon niza održanih sastanaka, kojim su prisustvovali predstavnici navedenih institucija, roditelji i predstavnici škole, Ministarstvo ponovo zaprima dopis roditelja II razreda u kojem nas informišu da neće dozvoliti djeci da dolaze u školu, jer kako navode, njihov problem nije riješen, te njihova djeca nisu sigurna. Također, od Ministarstva traže da se odmah učenik upiše u drugi razred ili školu.

S tim u vezi, savjetnice iz Ministarstva za obrazovanje, nauku i mlade Kantona Sarajevo i Prosvjetno-pedagoškog zavoda odlaze na sastanak u školu, vrše stručni nadzor i konsultacije o navodima iz prijave. Naime, dječak kojeg su roditelji druge djece sa sedam godina okarakterisali kao „zlostavljača“ je usvojeno dijete, pokazuje emotivne i ponašajne probleme, ponekad i agresivnost prema drugoj djeci. Usvojitelji su, prema navodima iz škole, spremni na saradnju i čine sve što stručnjaci preporučuju u najboljem interesu djeteta.

Informisani smo da su nadležne ustanove uključene i pružaju podršku pri adaptaciji djeteta u odjeljenje. Važno je napomenuti da se dječak upisao u OŠ „Prva osnovna škola“ početkom školske 2018/2019. godine, a prvi razred je završio u Katoličkom školskom centru Sv. Josip.

S obzirom da se ponašajni i emotivni problemi ne mogu riješiti u kratkom roku i pored intervencija i nalaza psihologa koji rade sa djetetom, roditelji druge djece su nastavili vršiti pritisak da se dječak ispiše iz odjeljenja ili škole. Ministarstvo za obrazovanje, nauku i mlade Kantona Sarajevo odmah je tražilo novi sastanak, koji se realizirao 30.04. 2019. godine u prostorijama JU OŠ „Prva osnovna škola“.

Na sastanku su prisustvovali predstavnici institucija:

1. Ministarstvo za obrazovanje, nauku i mlade Kantona Sarajevo,
2. Prosvjetno pedagoški zavod Kantona Sarajevo,
3. Policija u zajednici iz Policijske uprave Ilidža,
4. Centar za socijalni rad Ilidža,
5. Porodično savjetovalište Sarajevo
6. Odjeljski starješina odjeljenja II-2
7. Pedagog škole
8. Direktor škole

Također, sastanku je prisustvovala majka/staratelj dječaka.

Zaključci sa sastanka su jednoglasno usvojeni:

- *Da Ministarstvo za obrazovanje, nauku i mlade Kantona Sarajevo obezbijedi kvalificiranog asistenta u nastavi koji će raditi na modifikaciji ponašanja učenika, te da sa učenikom bude do kraja nastavne godine.*
- *U saradnji sa Porodičnim savjetovalištem organizovati radionicu za roditelje odjeljenja II-2.*
- *Zahtjev roditelja potpisnika II-2 za premještaj E.V. u drugo odjeljenje ne može biti ispunjen s obzirom da su poduzete sve mjere u cilju integracije učenika u skladu sa pozitivnim zakonskim propisima. Roditelji dječaka E.V. su ispoštovali sve predložene smjernice u saradnji sa nadležnim institucijama.*
- *U petak 03.05.2019. godine odjeljski starješina Elma Kuldija će organizovati roditeljski sastanak vezan za upućenu peticiju roditelja učenika II-2 razreda koja je planirana za 06.05.2019. godine, gdje će roditelji biti upoznati sa Zaključcima sastanka održanog.*

Zastupnik Mirza Čelik postavlja pitanje prema preporuci kojeg „stručnjaka“ je vršena procjena za odobrenje asistenta za dječak E.V.

Koristimo se prilikom informisati Vas da je preporuka donesena na osnovu zajedničkog stava predstavnika gore pomenutih institucija. Dakle, psihologa, pedagoga, psihoterapeuta, socijalnog radnika i predstavnika Policijske uprave Ilidža, predstavnika Ministarstva i Prosvjetno-pedagoškog zavoda, učiteljice i direktora škole.

S tim u vezi, OŠ „Prva osnovna škola“ obratila se Ministarstvu za angažovanje asistenta za dječaka E.V. do kraja nastavne godine. Cijeneći stav struke i predstavnika nadležnih institucija, uvažavajući princip najboljeg interesa djeteta, kao i razvojne probleme dječaka E.V. smatrali smo važnim pozitivno odgovoriti na zahtjev škole. Naime, školi je data saglasnost da angažuje asistenta do kraja nastavne godine, (do 19. 06.2019.) jer neće proizvesti veća opterećenja budžeta, teškoće dječaka su ponašajne i emotivne prirode što upućuje na činjenicu da je doborbit djeteta i poboljšanje stanja moguće postići za kratak period (kratkoročna mjera).

JU OŠ „Mehmedalija Mak Dizdar“, školi su odobrena dva asistenta, jedan asistent je odobren početkom školske 2018/2019. godine i potpisao je bivši ministar Elvir Kazazović, na osnovu stručne procjene tadašnje pomoćnice ministra Nihade Čolić, a drugi zahtjev (za drugog učenika) je također odobren i potpisala je ministrica Bogunić.

Shodno navedenom, u obje škole Ministarstvo za obrazovanje, nauku i mlade Kantona Sarajevo dalo je saglasnost za angažovaje asistenta, te se iz priloženih dokumenata vidi da Vaše informacije sa kojima raspolazete nisu tačne.

S poštovanjem,



MINISTRICA

Mr. Zineta Bogunić



1. *Prilog saglasnost JU OŠ „Prva osnovna škola“*
2. *Prilog- saglasnost JU OŠ „Mehmedalija Mak Dizdar“ 2018. i 2019. god*

Dostaviti:

1. Naslovu

2.a



web: <http://mon.ks.gov.ba>

e-mail: mon@mon.ks.gov.ba

Tel: + 387 (0) 33 562-128,

Fax: + 387 (0) 33 562-218

Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje,
nauku i mlade



Босна и Херцеговина
Федерација Босне и Херцеговине
КАНТОН САРАЈЕВО
Министарство за образовање,
науку и младе

Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/03-38-10559-3/19
Sarajevo, 08. 05. 2019. godine

JU OŠ „PRVA OSNOVNA ŠKOLA“
Adresa: Mala aleja br. 15, 71210 Ilidža
n/r direktora

09-05-2019

PREDMET: Saglasnost, dostavlja se

Cijenjeni,

obratili ste se Ministarstvu za obrazovanje, nauku i mlade Kantona Sarajevo zahtjevom za angažman asistenta u nastavi za dječaka V.E.

Upoznati smo sa emocionalnim i ponašajnim problemima učenika II-2 razreda V.E. Također, informisali ste nas da su roditelji učenika II-2 bojkotovali nastavu u ponedjeljak 06.05. 2019. godine i utorak 07.05. 2019. godine, te učenici nisu prisustvovali nastavi.

S tim u vezi, u cilju podrške prilagodbi učenika u odjeljenje II-2 saglasni smo da do kraja nastavne godine angažujete asistenta za dječaka V.E.

S poštovanjem,

MINISTRICA

Mr. Zineta Bogunić

Dostaviti:

- Naslovu
- A/a



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje,
nauku i mlade



Босна и Херцеговина
Федерација Босне и Херцеговине
КАНТОН САРАЈЕВО
Министарство за образовање,
науку и младе

Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/04-38-34328-1/18
Sarajevo, 12. 11. 2018. godine

JU OŠ "Mehmedalija Mak Dizdar"
Žrtava fašizma 14
71000 Sarajevo

n/r direktora

15-11-2018

GA

PREDMET: Obavještenje, dostavlja se

Cijenjeni,

koristimo se prilikom da Vas obavijestimo da je Ministarstvo za obrazovanje, nauku i mlade Kantona Sarajevo saglasno da se gđa. Rustempašić Dženana angažuje kao asistent u nastavi za učenika Đozo Emira, te da hitno pristupite izradi IPP-a iz svih nastavnih predmeta za navedenog učenika, a kako bi se isti što prije uključio u redovno pohađanje nastave.

S poštovanjem,


Prof. dr. Elvir Kazazović

Dostaviti:

- a) Naslovu
- b) a/a

web: <http://www.mon.ks.gov.ba>

e-mail: mon@mon.ks.gov.ba

Tel: + 387 (0) 33 562-128

Fax: + 387 (0) 33 562-218

Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje,
nauku i mlade



Босна и Херцеговина
Федерација Босне и Херцеговине
КАНТОН САРАЈЕВО
Министарство за образовање,
науку и младе

Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/03-38-18658/19
Sarajevo, 25.4.2019.godine

JU Osnovna škola "Mehmedalija Mak Dizdar"
Žrtava fašizma 14
71000 Sarajevo

29-04-2019

n/r direktorice

PREDMET: *Saglasnost, dostavlja se*

Cijenjena,

obratili ste se Ministarstvu za obrazovanje, nauku i mlade Kantona Sarajevo molbom da za učenika K.O. angažujete asistenta u nastavi, Peco Lozo Eminu, po zanimanju magistrica psihologije, a koja je ranije bila angažovana putem projekta JU "Službe za zapošljavanje Kantona Sarajevo".

S obzirom da ste naveli da je asistentica Lozo ostvarila dobre rezultate u radu sa navedenim učenikom, saglasni smo da istu angažujete u i narednom periodu.

S poštovanjem,

MINISTRICA

Mr. Z

Dostavljeno:
1. Naslovu,
2. A/a



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1

